



Akademik opet hapsio

U nastavku akcije Akademik koju su izveli pripadnici **Državne agencije za istrage i zaštitu** uhapšena je jedna osoba, a pretresen je i stan na području Bileće.

U toku pretresa, koji je realizovan po naredbama Tužilaštva i Suda BiH, pronađeni su i privremeno oduzeti pet mobitela, puška M-48 kalibra 7,9 mm i lovačka puška sačmarica položara sa dvije cijevi kalibra 12 mm. Iz **SIPA** je saopćeno da su predmeti oduzeti te da će poslužiti radi

dokazivanja krivičnog djela koje se dovodi u vezu sa neovlaštenim prometom opojnim drogama.

Osumnjičenik će biti predat u nadležnost postupajućem tužiocu Tužilaštva BiH. Inače, ova akcija je nastavak istoimene akcije provedene u februaru ove godine na području Banje Luke. Tada su uhapšene tri osobe, a prilikom pretresa vozila koje su koristili osumnjičeni pronađeno je i privremeno oduzeto oko 14 kilograma skanka.